

№ 69 СУББОТА
19
(552) октябре
1940 арэ

Известия

ВКП(б)-лэн УАССР-ысь
Ярской Райномеэзлэн но
РЙК-лэн органы.

Адрес: посёлок Яр, Уд. АССР
Телефон № 43. дуныз 5 коп.
10-тй арзэ потэ.

Соревнование паськыт вёлмытоно

Удмуртилэн автономиез-лэсь 20 ар тырмонэ пумитаны дасяськыса, районьсытмы азьмынйсь колхоз'ёс сельскохозяйственной арэз азинлыкы йылпум'яло. Байдалино сельсоветысь Куйбышевэн нимыныз нимама колхоз зябь гыронэ октябрь толэзылэн нырысетй нунал'ёсаз ик быдэстйз. Озы ик Кычино сельсоветысь „Красота“ колхоз районьсь колхоз'ёс пöлысь нырысь ик государстволы етйн сётон планэз быдэстйз.

Зябь гыронэз но кутсасконэз правительстоен тупатэм дыре быдэстыны районьсытмы котькуд колхозлэн бадзымесь быгатонлык'ёсы вал но, со быгатонлык'ёс уже кулээз'я өз кутыське. Тани соин сэрэн та уж'ёс асьме районьсытмы та дырозь быдэстымтэ на.

Та уж'ёсын али быдэсак азинскон'ёс лэстыно. Зябь гыронэз но кутсасконэз одйг-кык нуналскын быдэстоно. Соны понна нимысытыз ик шонер кутано ужас кужымеэ. Кутсаскыно уй но нунал. Зябь гыронэ уногем вис'яно вал'ёсты.

Озы ик колхоз'ёс та нунал'ёсын быдэстоно луо государстволы етйн сётон планэз. Районьсытмы колхоз'ёс туэ, кылем арын сярысь, етйн октон-калтон ужез зечгем но жоггем йылпум'яны. Уноэз колхоз'ёс етйнэз август толэзе вöлдйзы. Со вöлдэм етйн али каждой колхозын жутэмын ни. Табере со жутэм етйнэз умой-умой сортировать карыса льнозаводэ нуллоно. Та уж борды эшшо туж ичез колхоз'ёс

по-большевистски кутскизы. 16-тй октябрьлы заготленлэн даннойёсыз'я 92 колхоз'ёс пöлысь та уже 58 колхоз'ёс сяна өз кутскелэ на.

Куд-ог сельсовет'ёслэн но колхоз'ёслэн председател'ёсы, а соосын Чош ик заготленлэн заведующеез Веретенников эш етйн дасялэсь политической значениз өз валалэ, та ужез соос эрказ лэзизы. Соин сэрэн льнозаводэ етйн треста нуллолэн графикез уг быдэс'ясыкы. Та ужез тужгес ик урод кивалто Ворца но Никольск сельсовет'ёслэн председател'ёсы. Таослэн сельсовет'ёсысытызы колхоз'ёс 10-тй октяброзь та уже прочэ өз кутскылэ на.

Таңе положенилы азыланьзэ чиданы уг луы. Льнозаводэ етйн треста нуллолэсь графикэ нуналмысь тырмыт'яно. Соны понна котькуд колхозлы та уже нимысытыз ответственной адями вис'яно. Государстволы етйн сётонлэсь планэз 1-тй нояброзь быдэстоно.

Таин чош ик колхоз'ёс лы жоген тырмытыны кулэ государстволы сйль, картовка но мукет сётон план'ёсты. Государство азын сыйсь обязательствоосты тырмытон — со кутькуд колхозлэн самой кулэ задачаез.

Удмуртилэсь 20 ар тырмонэ вылесь вормон'ёсын пумиталоме. Соны понна али котькуд колхозын предоктябрьской социалистической соревнованиез паськыт вёлмытоно!

УДМУРТИЛЭН АУТОНОМИЕЗЛЫ XX АР ТЫРМОН АЗЫН

Вылесь вормон'ёсын пумиталом

Октябрьской революци-лэсь 23-тй годовщиназэ но Удмуртилэсь 20 ар тырмон юбилейзэ вылесь вормон'ёсын пумитан понна, милям колхозысытмы колхозник'ёс но колхозницаос пöлын нуналмысь паськыт вёлме предоктябрьской социалистической соревнование.

Колхозник'ёс но колхозницаос али ужало со вылысь, чтобы та нунал'ёсын йылпум'яны зябь гыронэз, кутсаскыноэз, государство-

лы етйн но картовка сётонэз.

Озы ик уж умой рад'ямын пудо гид'ёсты тупат'яны ласянь но. Туэ лэстымы 65 ыж пыртымон выль гид. Али тупат'ясыкомы вуж'ёссэ скал но вал гид'ёсты. Та ужез 20-тй октяброзь быдэстом. Тини озы милям колхозмылэн вань пудоосыз туэ тол'ёзы шуныт но чылкыт гид'ёсын.

ШУТОВ,
Молотовлэн нимыныз нимама колхозлэн председателэз.

Предоктябрьской социалистической соревнование пырыськымы

Милям „Диктатура пролетариата“ колхозысытмы колхозник'ёс но колхозницаос предоктябрьской социалистической соревнование пырыськыса, ужлэн котькуд участоказ выль активность возыматыны кутскизы. Али соос ваньзы ик кужмо ужало кутсаскыно, зябь гыронэ етйн трестаез льнозаводэ нуллон бордын.

Соос ас азязы задача пуктызы — зябь гыронлэсь планэз 22-тй октяброзь бы-

дэстыны. Соны понна али каждой нунал 80 валэн зябь гырыськомы.

Соин чош ик пудоосты толйытон азелы дасяськыно уж умой нуиске. Колхозын нимысытыз вис'ямын строительной бригада, кудйз али нуналмысь вал но скал гид'ёсты тупат'я. Та ужез 25-тй октяброзь быдэстом.

Колхозлэн председателэз
Х. А. БУЛДАКОВ.

Кутсаскыноэз быдэстом

Жоген вуэ бадзым праздник — Удмуртской автономной республикалэн XX ар тырмемез. Со праздникез кулээз'я пумитан понна колхоз бадзымесь азинскон'ёс мед басытоз. Нырысь ик кулэ быдэстыны кутсаскыноэз, зябь гыронэз но мукет сыңе уж'ёсты.

Толон-вазынал кадь гинэ милям колхозамы 60 гектарлэсь но уно кутсаскыномы вал на. Соин ик кутсаскыно ужез одно ик быдэстон

вылысь эшшо но кужмогес кутскимы ужаны кутсаскыно бордын. Кык машинаен уй но нунал кутсаскылымы, нуналлы быдэ 10-12 гектар тыр ю-нянь кутсаллямы. Нош табере кутсаскыномы уно вöл ини, Чуказе жытазель ми вань кутсаскыномес йылпум'ялом. Озы ик ми йылпум'ялом зябь гыронэз но.

Е. С. ТРЕФИЛОВ,
„Ленинский путь“ колхозлэн председателэз.

Зябь гыронэс быдэстйзы

Зябь гыронэс ужны районьсытмы Ворцинской но Н.Чуринской сельсовет'ёс азывльскизы. Та сельсовет'ёсысь колхоз'ёслэн председател'ёсы зябь гыронэн умойгескивалтыны кутскизы. Соин тини Ворцинской сельсоветысь Логошур, Васепиево но „Малиновка“, Н.Чуринской сельсоветысь „Красная зяра“, „Виль гурт“ но Ленинлэн нимыныз нимама колхоз'ёс зябь гыронэс быдэстйзы. Быдэстйзы зябь гыронэс Кычинской сель-

советысь Сивашур, Бачумовскойысь „1-й Май“, Дизьминскойысь „Земледелец“ но Байдалинской сельсоветысь Куйбышевлэн нимыныз нимама колхоз'ёс но. Зябь гыронэз быдэстон понна мукет колхоз'ёслы но умой умой кутсаскыса ужано. Та нунал'ёсы ик зябь гыронэз быдэстон.

ПОДЧЕЗЕРЦЕВ.

Клеверлэсь 22848 манет доход

Дизьмино сельсоветысь Кагановичлэн нимыныз нимама колхоз клевер кидыс басытон понна туэ арын 19 гектар вылэ клевер кизылыз. Со кизем планэз вылысь колхоз государстволы 4 центнер клевер кидыс сётон луэ вал. Нош колхоз государстволы 15 центнер клевер кидыс сётйз. Со понна со табере, премия-надбавкаез вераса, 22848 манет доход басытоз. Со сяна планлэсь мултэсэн сдать карем каждой центнерлы быдэ 4 центнер нянь басытоз на.

М. ТРЕФИЛОВ.

Мултэс няньзылы машинаос басыто

Бачумовской сельсоветысь колхоз'ёс мултэс няньзэс вузало. Молотовлэн нимыныз нимама колхозысь колхозник'ёс обшой собраниязы пуктызы 150 центнер мултэс няньзэс вузаны но „БДО“ машина басытыны Н. Сада колхоз 70 центнер вузаса триер басытэ. Сталинлэн нимыныз нимама колхоз 50 центнер вузаса кортчоғ но презент басытыны пуктыз. Озы ик „Юпитер“ но Володарскийлэн нимыныз нимама колхоз'ёс но мултэс няньзэс вузаса кулэ инвентар'ёсты басыто.

С. ПОПОВ.



„13 лет Окт. бря“ сельхозартельсь (Киевской район, Киевской область) азьмынйсь дсярка А. Н. Байчук, 1940 арын ВСХВ-лэн участницаез. Туэ, 8 толэзыскын, каждой фуражной скалэсь со 2500 литр йёл ныскиз ни.



Львовысь И. Франколэн нимыныз нимама университетлэн юридической факультетаз 30 студент пыртэмын. Ваньзы соос Львовэ лыктэмын Северной Буковинаысь. Суред вылын: Юридической факультетлэн 1 курсаз дышетскись студент'ёс университетлэн зданиез вöзын

